

ՍՑՑՑՑՑՑՑ ԵՊԵՍԿՈՊՈՍՆԵՐԻ ՇԻՆԱՐԱՐԱԿԱՆ
ԳՈՐԾՈՒՆԵՈՒԹՅՈՒՆԸ*

(IX—XIV դարեր)

Պատմ. գիտ. դոկտոր ԳՐԻԳՈՐ ԳՐԻԳՈՐՅԱՆ

Գրավոր աղբյուրները վկայում են, որ Հայաստանում շինարարական աշխատանքները յայն ժամալ հն ստացել հատկապես պետական անկախության և քաղաքական կայունության պայմաններում, իսկ դրանց բացակայության ժամանակ՝ երկրի բնիկ տերերի նուրբ և հեռատես դիվանագիտության շնորհիվ:

Բազրատունյաց թագավորության նախնիաց և հետընթաց տարիներին հայոց երկիրը դարձյալ թևակոխեց վերելքի և ղարդացման ճանապարհը. հիմնադրվեցին բազմաթիվ վանքեր ու եկեղեցիներ, մերանորոգվեցին խոնարհված գմբեթները, կառուցվեցին ամրոց-դղյակները, ճանապարհներն ու կամուրջները, հյուրատներն ու իջևանատները, անցկացվեցին նորանոր ջրանցքներ: Բառևճար: Վանքերին կից գոյացան մարդասիրական հաստատություններ՝ անկեղանոցներ, բարոտանոցներ, ուրկանոցներ, որոնց կտրիքները հոգում էին վանական միաբանություններն իրենց հասութաբեր հաստատություններից ստացված եկամուտներով և նվիրատուություններով: Այս ամենի մասին ստույգ միակայունություններ են պահպանվել արքայական և իշխանական հրամանագրերում, կալվածագրերում, «պայման-վճիռներում» և հատկապես միմյանց արձանագրություններում:

Մինչև բուն խնդրին անցնելը նշենք, որ այն տարածքներում, որտեղ կային կործանված սրբավայրեր, նորերը չէին կառուցվում, այլ վերականգնվում էին հները: Այս կապակցությամբ Մխիթար Գոշն իր Դատաստանագրքի «Յադագս դատաստանաց հակառակ եկեղեցի շինողաց» ՄԻԸ (228) հոդվածում՝ նշում է. «...որք ղհարանցն մերոց ղեղեայ կարգն խափանէ եւ հակառակ եկեղեցի շինէ լեպիսկոպոսաց կամ յերիցանց, նոգվեցցին ի մահ եւ ի կեանս եւ յամենայն քահանայական կարգէն յուժոյն. եւ այլ, որ նոցին կամակից եղեն գնոյն պատիժս կրեսցեն»²:

Պաշտամունքային օջախներ կառուցելիս հաշվի էին առնվում տեղանքի հարմարակետությունը, պաշտպանվածությունը, բնության և սրբավայրի ռեզիդենտական ներդաշնակությունը:

IX—XIV դդ. Հայաստանը, ընդ որում նաև Սյունյաց լեռնաշխարհը, վերածվեց շինարարական յայն հրապարակի: Իբրև կազմակերպիչներ և նյութատարողներ հանդես եկան նահանգներն ու պատմորեն աշխարհիկ և հոգևոր տերերը³: Ինչպես հայտնի է, Սյունիքի հողերը կենտրոնը մինչև 839 թ. Սողուկ գավառի (այժմյան Մխիթարի ենթամարզ) Շաղատ գյուղաքաղաքն էր. որտեղից տեղափոխվեց Տաթև: Նոր եպիսկոպոսարանում սկսվում են յայն շին-

* Ձեկուցում՝ կարդացված նորավանքի Իուրթևաշեն եկեղեցու օծման առիթով Վաչոց ձուրում կազմակերպված գիտաժողովում, 1999 թ. ապրիլի 16-ին:

¹ Մխիթար Գոշն այս դրույթը վերցված է Դավիթ Ալավկա որդու ԿԱ (61) կանոնից (տե՛ս Դավիթ Ալավկա որդու կանոնները.— «Եջմիածին», 1953):

² Մխիթար Գոշ. Գիրք դատաստանի, աշխատատիրությամբ եւ թորոսյանի. Երևան, 1975, էջ 140—141:

³ Դիվան հայ վիճապրովյան. սրակ 3, Երևան, 1967, էջ 240:

նարարական աշխատանքները. Դավիթ Բ եպիսկոպոսը (854—861) Վասակ Սյունյաց իշխանի որդի Փիլիպեին վճարելով 10000 դրամ, սեփականում է Տաթև գյուղն ու նրա մերձակա տարածքները⁴: Ապա նույն իշխանի աջակցությամբ կառուցում է եկեղեցի⁵: Տեր Դավթին հաջորդած տեր Սողոմոնը 1200 զրամով գնում է Դարատափ (Տանձատափ) գյուղը և 881 թ. նվիրում է Տաթևի Ս. Գրիգոր եկեղեցուն⁶:

Շինարարական լայն գործունեություն է ծավալում Սյունյաց Հովհաննես և մետրոպոլիտը (888—918): Նա տեր Սողոմոնի օրոք Տաթևի Ս. Գրիգոր եկեղեցու փակակայն էր. որին եպիսկոպոս էր օծել կաթողիկոս Գնորգ Բ Գառնեցին (877—897): Այդ շինարար հոգևորականը որոշում է գահերեց իշխան Աշոտի (Փիլիպեի որդու, Վասակի եղբոր) աջակցությամբ կաթողիկե եկեղեցի: Այս գործում տեր Հովհաննեսին նեցուկ են կանգնում Գեղարքունիքի իշխան Դրիգոր Սուվանի ժառանգները և Բաղք զավառի (այժմյան Կապանի ենթամարզ) գահակալ իշխան Ջաղիկը՝ ապագա կաթողիկոս Վահան Սուրենցու պապը:

895 թ. սկսվում է Տաթևի մայր տաճարի՝ Պողոս-Պարոտի կառուցումը: Այս տաճարի վերականգնումը մետրոպոլիտը եկեղեցու արևմտյան պատին փորագրել է տալիս հետևյալ հեղատակագրությամբ.

«ՅԱՄԻ ՅՈՐՈՒՄ ԹՈՒԱԿԱՆՆ ԸԱՅՈՅ ԵՅԻՆ (895) ԷՐ ԵՒ ԶԱՏԻՆ ԵՒ ԱՆՈՒՍԱՐԴԻ Ի Դ. (4), ԵՍ ՏԷՐ ՅՈՎՀԱՆՆԷՍ. ՈՐ ԵՐԿՐՈՐԴ ԿԱՐԳԵՑԱՅ ԵՊԻՍԿՈՊՈՍ ՍԻՆԵԱՅ ԶԿՆԻ ՏԵԱՌՆ ՍԱՂԱՅՄԱԿՆԻ, ԱՐԱՐԻ ՍԿԻԶԲՆ ԾԻՆՈՒԱԾՈՅ ԵԿԵՂԵՑԻՈՅ»⁷:

Շինարարությունը տևում է 11 տարի և ավարտվում է 906 թ.: Հովհաննես եպիսկոպոսը գլխավոր տաճարի շինարարությանը զուգահեռ կառուցել է տալիս դրամներ, սրբատներ, դեղատնիքներ, գաղտնարաններ, սեղանատներ, արհեստանոց-գործատներ, մթերանոց-պահեստներ⁸: Կանգնեցնել է տալիս խորհրդավոր դավադան-սյունք: Այդ ժամանակ Տաթևի վանքն ուներ 500 մեարան, ընդ որում խորարներն փիլիսոփաներ, երաժիշտ-երգիչներ, նկարիչներ և մատենագիրներ: Սպասելի էր, որ Տաթևի եպիսկոպոսական կենտրոնը նախակատիքի ժամանակ տեր էր դառնալու բազմաթիվ կալվածների, գյուղերի ու ագարակների, հասութարեք հաստատությունների, որոնցից ստացված եկամուտները ապահովելու էին նաև վարդապետական կրթության գոյությունը:

Տաթևի նախակատիքին առատ րնձաներում մասնակցում են Հալոց արքայազնի բոլոր մեծերը՝ աշխարհիկ և հոգևոր տերերը Սմբատ I Բագրատունի թագավորի և Հովհաննես Գրատիանակետոցի պատմի: կաթողիկոսի գլխավորությամբ: Դա, հիրավի, հայ ժողովրդի սերտ միաբանության մասնակցությունն էր, որը պետք է օրինակ ծառայեր հետագա սերունդների ազգայնապատ գործունեության համար:

910 թ. Հովհաննես մետրոպոլիտը գահերեց իշխան Աշոտի տիկնոջ՝ Շուշանի հետ միասին կառուցում են Վալոց ձորի հաշիկ (հնում՝ հաշիքի խոր) դուրդի մոտ եղած խոտակերպ վանքը՝ Քառուրի եկեղեցին⁹: Այս շինարար հոգևորականի ռահակայությունն ժամանակը՝ 911 թ. կառուցվում է Վահանամանքի Ս. Գրիգոր եկեղեցին, հիմնադրվում է վանական միաբանություն, որի եղբայրների թիվը անցնում էր 100-ից: Վահանավանքը աստիճանաբար դարձավ «իբրևս բազար բազմաժողով»¹⁰:

4 Ս տ ե փ ա ն ո ս Օ Ր Բ Ե Ղ Կ Ա Ն. Պատմութիւն տանն Սիսական. Մոսկվա, 1861, էջ 149—150:

5 Նույն տեղում, էջ 154—155:

6 Նույն տեղում, էջ 157:

7 Դեփան հայ վիճագրության. պրակ 2, Երևան, 1960, էջ 13:

8 Ս տ ե փ ա ն ո ս Օ Ր Բ Ե Ղ Կ Ա Ն. Պատմութիւն..., էջ 163—164:

9 Նույն տեղում, էջ 171—174:

10 Նույն տեղում, էջ 174—175:

918 թ. վախճանվում է Հովհաննես մետրոպոլիտը: Սյունյաց հոգևոր գահին բազմում է Հակոբ Ա Դվինեցին (918—958), Հովհաննես Դրասխանակերտցի կաթողիկոսի եղբորորդին, որը մեծ անհանգստություն էր պատճառելու Անանիա Մոկացի մեծ կաթողիկոսին (946—968): Հակոբ Ա-ի քառասնամյա առաջնորդության տարիներին Սյունյաց լեռնաշխարհը, մասնավորապես Վայոց ձորը, պատվում է կրոնամշակութային կենտրոնների լայն ցանցով: Դեռևս 929 թ. Սմբատ զահերեց իշխանի, տիկին Սոփիայի և իշխան Սահակի հետ միասին շրջագայելով Վայոց ձորում, Հակոբ եպիսկոպոսը առաջարկում է Ոստին գյուղից վեր հիմնադրել կրոնական օջախ: 932 թ. Փիլիպե իշխանից 12000 դրամով և մեկ պատվական գոհարով գնելով Զագեծորի (այժմյան Գորիսի ենթամարզ) վարարակն գետի աղբրակերը (Ակները), 29 կմ երկարությամբ անցկացնում է ջրատար՝ Տաթևի վանքի մերձակայքում գտնվող Յարուտ հանդամասը ջրարբի դարձնելու և Վարդուտի վերածելու ակնկալիքով¹¹: Դա, հիրավի, ծանր և վիթխարի աշխատանք պահանջող ձեռնարկում էր, որ կատարեց Հակոբ եպիսկոպոսը աներեր կամքով ու համառությամբ: XIII դարում, մոնղոլական արքունիքում տիրող խժոժությունների ժամանակ, ջրանցքի գործունեությունը իսպախվեց և նորոգվեց միայն 1294 թ. Հայրապետ եպիսկոպոսի ու տեր Յոհաննեսի ջանքերով: Ակների մոտ՝ լեռնալանջին սրահպանվեց է ջրանցքի վեռանորոգման մասին հետևյալ արձանագրությունը.

«ՅԱՄԻ ՅՈՐՈՒՄ ԷՐ ԹՎ. ՉԽԳ (1294) ԵՄ՝ ՏՐ ՅՈՂԱՆԷՍ ԿԱՄԱԽՆ ԱՅ ԵՒ ԱՂԱԻԹԻԻՔ ՀՈԳԵԻՈՐ ՀԱԻՐ ԻՄՈ ՏՐ ՀԱՅՐԱՊԵՏԱ ՏԱՐԱ ՋԶՈՒՐՍ ՎԱՐԱՐԱԿԱՆ Ի ՎԱՐԴՈՒՏՆ, ՋՈՐ ԱԾԱՊԱՏԻ ԵՒ ՀՈԳԵԻՈՐ ՏՐ ՅԱԿՈՒՐ ԳՆԵԱԼ ԷՐ ԵՒ ՏԱՐԵԱԼ ԲԱԶՈՒՄ ԱՇԽԱՏՈՒԹԻ ԵՒ ԱՐԴԵԱՄԲԲ. ԶԽԱՓԱՆԵԱՆ Ի ԲԱԶՈՒՄ ԱՄԱՆԱԿԱՑ ԿՐԿԻՆ ՆՈՐՈԳԵՅԱՔ ՅԻՇԱՍԱԿ ՄԵԶ ԻՒ ՆԱԽՆԵԱՑ ՄԵՐՈՑ...»¹²:

931—936 թթ. Սմբատ զահերեցի և նրա իշխանուհի տիկնոջ՝ Սոփիայի աջակցությամբ կառուցվեց Գնոեմանոսի սրահայտի եկեղեցին: Այս մասին ստույգ վկայություն է պահպանվել Ստեփանոս Օրբելյանի «Պատմութիւն տանն Սիսական» աշխատության էջերում, մասամբ նաև Գնոեմանքի վիճագրերում: Տաճարի շինարարական սոճանադրությունն ամսուովում է ասուկերամբ: մի նախատեսությամբ. «ՄԱՏԱՆԻ ԻՐ ԱՆԱԿՆ ՎԱՅՈՑ ՋՈՐ. ԾԻՆԵՑԻ ԶՍԱ ԵՒ ԵԳԻ ԱԿՆ Ի ՎԵՐԱՅ»¹³: Շատ ավելի ուշ՝ Քրիստափոր վանահայրը 999 թ. կառուցում է Գնոեմանքի սրահը, իսկ հայր Սարգիս Բ-ն 1008 թ. Մղուկ դուխանի Զկնարած (Բաղարչալ) գետից 24 կմ երկարությամբ ջրատար է անցկացնում Գնոեմանքի և վանքապատկան գյուղերի կարճ ընկերո հողալու նպատակով¹⁴:

Հակոբ Ա եպիսկոպոսը, դարձյալ Սմբատ զահերեց իշխանի համոզմամբ և նյութական աջակցությամբ, 936 թ. հիմնադրում է Հեռմոնի վանքը՝ կառուցելով տեղի Ս. Գրիգոր եկեղեցին: Նշենք, որ այս վանքի ստույգ տեղաբնակները մինչև դարիս 50-ական թթ. ոտոշակի չէր և բացահայտվեց մի մազրագեղու-սյուտմարան Ս. Գ. Բարխուդարյանի վեռանությունների շնորհիվ: Հեռմոնի վանականները պալի դեր կատարեցին հայոց հարապետական աթոռը 1441 թ. մայր հայրենիքում վերահաստատելու ժամանակ:

Ստեփանոս Օրբելյանի հառժիռո Հակոբ Ա եպիսկոպոսի վերաբերյալ երկակի է. կոչելով նրան «Սիւնեաց մետրոպոլիտ և գլուխ ամենայն եպիսկոպոսաց Հայոց»¹⁵, նա չի վարանում Հակոբ Ա-ին ներկայացնել շտապ գովեստներով. «Անհամեմատելի, աստվածավայելուչ, արքայաշուք, երջանիկ և բարի»:

11 Նույն տեղում, էջ 185:
 12 Դիվան հայ վիճագրության, պրակ 2, էջ 18:
 13 Ստեփանոս Օրբելյան, Պատմութիւն..., էջ 191:
 14 Դիվան հայ վիճագրության, պրակ 3, էջ 9:
 15 Ստեփանոս Օրբելյան, Պատմութիւն..., էջ 207:

«հանճարեղ և իմաստուն»¹⁶։ Սակայն շի մոռանում հիշատակել Հակոբի նաև «վաչրենարարո գործերի մասին»¹⁷, այսինքն՝ թե ինչպես այս եպիսկոպոսը ապստամբեց հայոց կաթողիկոսի դեմ և հրաժարվեց մեռնել ստանալ հայրապետական աթոռից՝ միանալով Աղվանքի արքեպիսկոպոսին։ Սա է գլխավոր պատճառը, որ նույն պատմիչը այս դեպքում Հակոբ Ա-ին անվանում է «ամբարտաժան, ստախոս և դստոգ»¹⁸։ Իհարկե, նշանակություն ունեն նաև այն պարագան, որ Հակոբ Ա-ն, միանալով հանճարեղ Գրիգոր Նարեկացու հոր՝ հոսորով Անձևացյաց եպիսկոպոսի հետ, ցանկանում էր բարենորոգումներ կատարել հայոց եկեղեցու հիերարխիկ կառուցվածքում։ Սակայն, ինչպես Ստեփանոս Որբելյանն է ասում, «թողցուր զայս քննել Արղարադատին Աստուծոյ»¹⁹, չէ՞ որ «զոյ քուն և իմաստնոյ»²⁰։ Անանիա Մոկացի կաթողիկոսը, ժամանակակից Սյունիք, խոստորեն դատասպարաում է Հակոբ Ա-ին, զրկելով Սյունյաց աթոռը մետրոպոլիտական աստիճանից։

Հակոբ Ապստամբից (նաև՝ Հերձվածողից) հետո նահանգի թեմակալ եպիսկոպոս ընտրվեց Բաղք դավառի գահակալ իշխան Զևանշերի որդի Վահանը, որն այդ ժամանակ Վահանավանքի առաջնորդն էր («որ էր առաջնորդ մեծի ուխտին Վահանու վանից») ²¹։

Նույն Վահանավանքում նրան եպիսկոպոս է ձեռնադրում Անանիա Մոկացի կաթողիկոսը²²։ Վահան Զևանշերյանի նստավայրերը Տաթևն ու Վահանավանքն էին։ Վերջինումս նա կատարեց մեծ բարեփոխումներ. կառուցեց Ս. Գրիգորի կամարակապ գավիթը, սրահ-գամբարանատունը, սեղանատունը, փողոկներով խմելու ջուր բերեց Տիգրանասարի լանջերից²³։ 967 թ. Վահան եպիսկոպոսը շինարարական աշխատանքներ է կատարում Արատեսի վանքում, որի կենտրոնական զույգ մատուռների արևմտյան պատին պահպանվել է հիշատակագրություն։

«ՆԺՁ (967) ԹՄՈՒԻՆՂ ԵՍ ՎԱՀԱՆԻԿԵԱ ՅԻՄՈՅ ԸՆԶԻՑ ԿԱՆԳՆԵՑԻ
ՉՍՈՒՐԲ ԳԻՈՐԳ Ի ՓՐԿՈՒԹԻԻՆ ՀՈԳՈ ԻՄՈ. ՈՐ ԿԱՐԴԱ ԶԻՍ ՅԻՇԵՍՅԷ
ԵԻ ԱՄ ԶՆԱ ՅԻՇԷ»²⁴,

Անանիա Մոկացուց հետո Շիրակավանում կայացած եկեղեցական ժողովը հայրապետական աթոռին է բաղմեցնում Վահան Սյունեցուն, սակայն որոշ ժամանակ անց, Վահանը նույնպես մեղադրվում է քաղկեդոնականության հարելու մեջ և գահընկեց է արվում։

Տեր Վահանի շինարարական գործունեությունը հատկապես նկատելի է Սյունյաց եպիսկոպոս եղած ժամանակ։

Շինարարական աշխատանքները Սյունիքում յայն ժամայով շարունակվեցին նաև Հովհաննես է եպիսկոպոսի առաջնորդությամբ տարիներին (1006—1058)։ Սարգիս Ա Սևանցի կաթողիկոսի կոնդակի համաձայն նա ընդարձակում է Սյունյաց թեմի սահմանները (հիշենք Սարգիս Ա կաթողիկոսի շրջաբերական նամակը)²⁵, վերստանում է մետրոպոլիտական շնորհը, վերադարձնում է հափշտակված գյուղերն ու կալվածները, ապա նվիրվում է շինարարական աշխատանքներին։

1027 թ. Հովհաննես եպիսկոպոսը դարձյալ վերականգնում է Ս. Գրիգոր

16 Նույն տեղում, էջ 134։

17 Նույն տեղում, էջ 201,

18 Նույն տեղում, էջ 201, 207։

19 Նույն տեղում, էջ 202։

20 Նույն տեղում, էջ 201։

21 Նույն տեղում, էջ 208։

22 Նույն տեղում, էջ 210։

23 Նույն տեղում, էջ 175։

24 Փաղաքական մասնիկով անձնանունները տարածված են եղել Սյունիքում. վիճաբերում և մատենագրական աղբյուրներում ունենք Աշոտիկ, Սմտատիկ, Գրիգորիկ, Վահանիկ և այլն։

25 Դիվան հայ վիճագրության, պրակ 3, էջ 122։

26 Ս տ ե ի ա ն ո ս Օ թ բ ե լ յ ա ն. Պատմություն..., էջ 226—228։

եկեղեցիին: Նրա բարենորոգումներին նեցուկ են կանգնում Սյունյաց Վասակ թագավորը (998—1040) և նրա քեռորդիներ Սմբատն ու Գրիգորը, որոնք հաջորդաբար բազմելու էին Սյունիքի արքունական դահլիճ:

1043 թ. Սմբատ II թագավորի (1040—1051) աջակցությամբ կառուցվում են Տաթևի մայր տաճարի սրահը, գավիթն ու այլ շինություններ: Այս առթիվ տե՛ր: Հովհաննեսը Տաթևի սրահի հյուսիս-արևմտյան մույթի վրա արձանագրում է.

«ՅԱՄԻ ՅՈՐՈՒՄ ԷՐ Թ[ՎԱԿԱՆՆ] ՆՂԲ: (1043), Ի ԹԱԳԱԻՈՐՈՒԹԵԱՆ ՍՄՊԱՏԱ, ՈՐԴՈ ԱՇՈՏՈ, ԵՄ ՏՐ ՅՈՒՀԱՆԷՍ ՇԻՆԵՅԻ ՉՍՐԱՀԻ ԱԻԳՆԱԿԱՆՈՒԹԵԱՄԲ ՍՄՊԱՏԱ...»²⁷:

Հովհաննես է-ն վախճանվեց 1058 թ., Սյունյաց առաջնորդ ընտրվեց Գրիգոր եպիսկոպոսը (1058—1116), որը վայելում էր Գրիգոր I Սյունյաց թագավորի (1051—1072) բարոյական և նյութական աջակցությունը: «Ի ԹԱԳԱԻՈՐՈՒԹԵԱՆ ՔՐԻՍՏՈՍԱՊՍՏԱԿԵԱԿԱ ԱՐՔԱՅԻՆ ԳՐԻԳՈՐՈ՞» 1062 թ. վերականգնում է Բղենո նորավանքը²⁸, ինչպես նաև հոտակերաց վանքի (Քարկոփի) եկեղեցին: Գրիգոր եպիսկոպոսը 1087 թ. կառուցում է Տաթևի վանքի Ս. Աստվածածին կրկնաճարկ եկեղեցին: Այդ ժամանակ Սյունիքի թագավորն էր Բարեպաշտ հայկազուն Սենեքերիմը, որը նենգարար սպանվեց սելջուկ-թուրքերի հետ բանակցելու ժամանակ Բաղաբերդի պարիսպների տակ 1094 (6) թ.:

Սյունիքի շինարար եպիսկոպոսների ցանկում ուրույն տեղ է գրավում Սարգիս Ա սրբեպիսկոպոսը, որը լիպարիտ Օրբելյանի աջակցությամբ 1216—1221 (23) թթ. ընթացքում կառուցեց Ամաղուի նորավանքի Ս. Նախավկա եկեղեցին: Ս. Նախավկայի արևմտյան մուտքի ճակատակալ քարին պահպանվել է հիշատակագրություն՝ հետևյալ բովանդակությամբ.

«ԵՄ ՏՐ ՍԱՐԳԻՍ, ՔԵՌՈՐԴԻ ՏՐ ՍՏԵՓԱՆՈՍԻ ՍԻՆԵԱՅ ԱՐՀԻԵՊԻՍԿՈՊՈՍԻ, ՇԻՆԵՅԻ ԶԵԿԵՂԵՅԻՍ Ի ԲԱՐԵԿԱՆՍՈՒԹԻ ԻՆՁ ԵՒ ԼԻՊԱՐՏԻՆ ԵՒ ՆԱԽՆԱՅ ՄԵՐՈՅ ԵՒ ԵՐԿՈՒ ՀԱՐԱԶԱՏ ԵՂԲԱՐՑԻ, ՈՐ ՍՊԱՆԱՆ Ի ԹՈՒՐ. ԲԱՅ ՊԱՏԵՐԱԶՄԱՅ...»²⁹:

Սարգիս Ա-ն Վալոց ձորի արձանագրություններում կոչված է «նորավանքի առաջնորդ» և «Սինեաց վերադիտող»³⁰:

Ս. Նախավկայի մի շաբթ արձանագրություններ վկայում են. որ ուսանձին համատացյալներ կարող էին հոգալ կառուցի այս կամ այն հատվածի ծախսերը: Օրինակ՝ Սարգիս Ա-ն նշում է. որ Ս. Նախավկայի հատված-ամրան խորանը կառուցվել է Հասան Ամաղուեցու միջոցներով³¹, իսկ հարավ-արևելյանը՝ այս եպիսկոպոսի «ձեռալուծի, աշակերտ», եկեղեցու փակակալ հիկարի՝ «գի նորայ արդեամբ շինեցալ»,—կարգում ենք վկայագրում³²: «Ի հայրապետութեան ՏՐ Սարգսի» 1220 թ. Արատեսի վանքում փորագրվել է անվանի գործուպետ Վասակ հաղբակյանի հաղթական բովանդակություն: Թյումր արձանագրությունը, որում պատմվում է Վալոց ձորի ամրոցները սելջուկ-թուրքերից աղատագրելու մասին³³:

Սյունյաց նահանգը, մասնավորապես Վալոց ձոր գավառը, նաև աշխարհիկ կառույցներով շենացնելու ասպարեզում դգալի դեր կատարեց Սարգիս Բ եպիսկոպոսը (1263—1298), որը դրավոր աղբյուրներում ներկայացված

27 Դիվան հայ վիճագրության, պրակ 2, էջ 19:
28 Նույն տեղում. էջ 45:
29 Դիվան հայ վիճագրության, պրակ 3, էջ 212:
30 Նույն տեղում. էջ 211:
31 Նույն տեղում. էջ 212:
32 Նույն տեղում. էջ 213:
33 Նույն տեղում. էջ 123:

1 «անյաղթ հոռտոր»⁸⁴, «քահանայապետ գաւառիս»⁸⁵ և այլ շոյող մակդիր- ներով:

Հավատացյալներից ստացած առատ ընծաները՝ շարժական և անշարժ դուլքը⁸⁶, նա ամբողջապես տրամադրում է կրոնական և աշխարհիկ շինու- թյունների բարեկարգմանը. կառուցել է տալիս Ամաղուի նորավանքի և Որոտնավանքի (Վաղաղնի վանքի) հյուրատները, կամուրջները, որոնցից առավել նշելին Արփա (Արենի) գյուղի կամուրջն է, որի խելերը պահպան- վել են առ այսօր:

Սյունյաց նահանգի թեմակալ առաջնորդների ցանկում առանձնակի տեղ է զբաղեցնում մեծանուն պատմագիր, բանաստեղծ, կրոնական և քա- ղաքական դործիչ, Դյաձորի համալսարանի սան Ստեփանոս Օրբելյանը: Կի- լիկիայում հալոս կախողիկոսից ձեռնադրվելով եպիսկոպոս և արժանանալով մետրոպոլիտական աստիճանի, այս իշխանազունը վերականգնում է Սյուն- յաց երկվեղկված աթոռը (Տաթևի և նորավանքի հակադիր թեմերը) մեկ դավադան, մեկ հոգևոր հովիվ նշանաբանով, առանց խտրություն գնելու նրանց միջև: Նա առանձնակի ուշադրություն է դարձնում նահանգի հոգևոր- կրթական օջախների գործունեությանը, նրանց համար հայթայթելով նյու- թական միջոցներ⁸⁷ և ասպահովելով բարեխնամ հոգատարություն:

Ստեփանոս Օրբելյանի անունը քանիցս հիշատակվում է Սյունյաց նա- հանգի, մասնավորապես Վալոց ձորի բազմաթիվ վիճազբերու՝ Առաջին վանքում⁸⁸, Հերմոնի վանքում⁸⁹, Քարազխում («Հին Սալի» գյուղում)⁴⁰, Հերհեր գյուղում (Շաշ Միակեցի արձանագրության մեջ)⁴¹ և այլուր: Ստե- փանոս Օրբելյանի շինարարական գործունեության գլուխ գործոցը հանդի- սանում է Տաթևի՝ այժմ վերականգնված Ս. Գրիգոր եկեղեցին: Իր «Պատմու- թիւն տանն Սիսական» աշխատության մեջ պատմիչը ներկայացնում է այս եկեղեցու վերականգնման երեք փուլերը. առաջին անգամ Ս. Գրիգորը վերա- նորոգվել է կառուցողներ Փիլիպե իշխանի և Դավիթ Բ եպիսկոպոսի ջանքե- րով, ապա՝ վերականգնվել է Հովհաննես եպիսկոպոսի (է) և Սյունյաց Սըմ- բատ II թագավորի միջոցներով: Իսկ Յ-րդ անգամ հիմնովին վերականգնում է ինքը՝ մետրոպոլիտ Ստեփանոս Օրբելյանը⁴²:

1295 թ. ավարտելով Ս. Գրիգոր եկեղեցու վերականգնումը, Ստեփանոս Օրբելյանը ցանկություն է հայտնում արեմտյան մուտքի ճակատակալ քա- րին արձանագրել.

«Ի ԹՎ. 1295. ՉՏԷՐ ՍՏԵՓԱՆՆՈՍ ՄԵՏՐՊՈՒԼԻՏ ՍԻՆԵՍԱՅ, ՈՐ Է ՊՐԱՒՏԱՅՐԱՆՏԷՄ ԶԱՅԴՈՅ ՄԵՄԱՅ, ՈՐԴԻ ՄԵՄՔԱՌ ԻՇԽԱՆԻՆ ՏԱՐՍԱԻՃԻՆ, ՇԻՆՈՂ ՄԲ ԵԿԵՂԵՑՈՅՍ ՅԻՇԵՑԷՔ Ի ՔՍ»⁴³,

Տաճարի վերին կամարաղևղին, ներքուստ, փորագրել է տալիս վանքի տեղադրությանը համապատասխան սքանչելի մի նախադասություն.

«ԳՆԱՅՔ ԳԵՏՈՅ ՈՒՐԱՆ ԱՌՆԵՆ ԶՔԱՂԱՔՍ ԱՍՏՈՒԾՈՅ ԵՒ ՍՈՒՐՐ ԱՐԱՐ ԶՅԱՐԿՍ ԻԻՐ ԲԱՐՉՐԵԱԼԻ»⁴⁴,

Ստեփանոս Օրբելյանը վախճանվեց 1303 թ. և ամփոփվեց Ամաղուի նո- րավանքի Օրբելյան իշխանազունների տոհմական դամբարանատանը: Կյան- քի մալրամուտից առաջ նույնպես նա չղադարեցրեց անհաշտ պայքարը հոռ-

84 Նույն տեղում, էջ 231:

85 Նույն տեղում, էջ 223—224:

86 Նույն տեղում,

87 Նույն տեղում, էջ 220, 222:

88 Նույն տեղում, էջ 126:

89 Նույն տեղում, էջ 134:

40 Նույն տեղում, էջ 172:

41 Նույն տեղում, էջ 68—69:

42 Ստեփանոս Օրբելյան. Պատմութիւն..., էջ 353:

43 Դիվան հայ վիճադրության, պրակ 2, էջ 25:

44 Նույն տեղում:

մեական եկեղեցու հետևորդների դեմ և Գրիգոր Անավարզացի կաթողիկոսի շրջաբերական թղթին տվեց մերժողական պատասխան՝ արևելյան եպիսկոպոսների և մի շարք իշխանների անունից ավելացնելով. «Հալան եմք մեր ընդ մեր հարսն ի դժոխս իջանել և ոչ ընդ Հոռոմոց լերկինս ելանել»⁴⁵:

Թերևս ունիթոս-միարարների դեմ Ստեփանոս Օրբելյանի մղած անհաշտ պայքարն էր հիմնական պատճառը, որ խոշորագույն պատմաբան Մ. Չամչյանը նրան կոչում է «այլ խրոխտ» «ինքնահաճ» «մեծամիտ» «կոչէ զինքն մետրոպոլիտ պրոտոֆրոնդէս» «պղտորէ զմիտս բազմաց ի վերայ քաղկեդոնականաց» «զի ճարպիկ ոմն էր և ճարտար ի խօսս»⁴⁶, Գրիգոր Անավարզացի կաթողիկոսին 1302 թ. հղած պատասխան-նամակը Մ. Չամչյանը համարում է «աղճատանք ստալօդ բանից և սնոտի զրոյցք տգիտական ճառից»⁴⁷:

Կարծում ենք, չափազանց խիստ է ասված Մեծն Ստեփանոսի⁴⁸ հաս. ցեղին: Գոնն մեղ համար նման որակումները բացարձակապես ընդունելի չեն:

Դեռևս Ստեփանոս Օրբելյանի օրոք, 1302 թ. Սյունյաց մետրոպոլիտական գահին բազմեց Օրբելյան իշխանապուն Հովհաննես Օրբելը (1303—1324), որին նույնպես վերագրում ենք շինարար պատվանունը: Նա ևս շարունակեց անհանդուրժողական կեցվածք ընդունել հոռոմեական եկեղեցու ներկայացուցիչների նկատմամբ, պաշտպանելով հայ առաքելական եկեղեցու դարավոր ավանդույթներն ու անկախ կարգավիճակը:

Հովհաննես Օրբելը ժամանակակիցների կողմից կոչվել է «արհիական քաւշապետ»⁴⁹, «ճշակաւոր մետրոպոլիտ», «տուն իմաստից և հանճարոյ»⁵⁰: Կա առաջիկ սերտացրեց և ամրապնդեց Պոռչյան և Օրբելյան իշխանական ընտանիքների միասնությունը, ուստի պատահական չէ, որ էպիսկոպոս Պոռչյանը՝ «թուն Պոռչոյ», Հովհաննես Օրբելին կոչում է «մեր եղբայր»⁵¹:

Հովհաննես Օրբելի շինարարական գործունեության մեջ նշելի է հատկապես Արփայի (Արենիի) Ս. Աստվածածին եկեղեցու կառուցումը 1321 թ. հանճարեղ Մոմիկի ձեռքով: Ներքուստ պատկերաբանդակներով հարուստ այս գողտրիկ տաճարը կառուցված է հիշյալ գյուղում, տիրապետող դիրք ունեցող մի բլրակի վրա՝ ի տես ամենի:

Ս. Աստվածածնի արևմտյան մուտքի վերին կամարի շուրջ Մոմիկի ձեռքով փորագրված է.

«ԵՍ՝ ՏՐ ՅՈՎ[Ա.]ՆԷՍ ԱԻՐՊԷԼ ՍԻԻՆԵ[Ա.]Յ ԱՐՇԷՊԻՍԿՈՊՈՍ ՇԻՆՈՂ ՍՈՒՐԲ ԵԿԵՂԵՑՈՅՍ ՅԻՇԵԼ ԱՂԱԶԵՄ, ԵԻՍ [Ե]Ի ԶԲԱՐԵՊԱՇՏ ԻՇԽԱՆԱՅ ԻՇԽԱՆՆ ԶԱՐԵԱՆ ՄԵՐԶԱԻՈՐՆ ԻՄ ԶՔԱԶ ՄԵՆԱՄԱՐՏԻԿՆ ԶԲԻՐԹԷԼԷՆ ԵԻ ԶԴԺՈՒՄՔԱՌ ՔՍԱՍԷՐ ԶՈՅԳՆ, ԻԻՐ ԶՎԱԽԱԽՆ ՆՈՐԱՐՈՂԽՈՐԶ ԶԱԻԱԿԱԻՔՆ ԻԻՐԵԱՆՅ ԲԷՇՔԷՆԻԻՆ ԵԻ ԻԻԱՆԷԻԻՆ. ԹՎ. 922. (1321):
ՇԱՐԺ ԵՂԵԻ. ՄՈՄԻԿ ՎԱՐԴՊ(ԵՏ)»⁵²:

Հայաստանի երկրաշարժերի պատմությունից գիտենք, որ 1319 թ. Սյունյաց լեռնաշխարհում տեղի է ունեցել ավերիչ երկրաշարժ: Կարծում ենք, 1321-ր եկեղեցու վերականգնման տարին է: Նույն 1321 թ., ամենայն հավանականությամբ դարձյալ Մոմիկի մտահղադրամբ, կառուցվել է Վայոց ձորի Սպիտակավոր Աստվածածնի վանքը, որի նորահյուս մանրաբանդակներն ու դիմարանդակները մատնում են հանճարեղ ճարտարապետի ներկայությունը: Ի դեպ, Սպիտակավոր Աստվածածինը, որ սկզբնաղբյուրներում կոչվել է նաև Սրկղունյաց կամ Բոլորարեբրդի անապատ, հարատևեց մինչև

45 Ս տ ե ի ա ն ո ս Օ Ր Բ Ե Լ Յ Ա Ն. Պատմութիւն... էջ 337:
46 Մ ի ր ա յ Ե Լ Չ ա մ շ Յ Ա Ն. Հայոց պատմութիւն. Գ, Երևան, 1984, էջ 284:
47 Նույն տեղում, էջ 191:
48 Դիվան հայ վիմագրության, տրակ 3, էջ 233:
49 Նույն տեղում, էջ 60:
50 Նույն տեղում, էջ 232, 233:
51 Նույն տեղում, էջ 143, 150:
52 Նույն տեղում, էջ 29:

XV դարը ներառյալ, մինչև «պարոն-ալը» Եղիշե արքեպիսկոպոս Օրբելյան-Բուրթելյանի գահակալությունը շարունակաբար:

Սյունյաց եպիսկոպոսական աթոռը Հովհաննես Օրբելից հետո ժառանգեց Ստեփանոս-Տարսայիճը (1324—1331): Սա Սյունիքի իշխանաց իշխան Տարսայիճ Օրբելյանի թոռն էր, պատմիչ Ստեփանոս Օրբելյանի անհամամայր Լիզայի և Գոնցա իշխանուհու որդին. ուսանել էր Գլաձորի համալսարանում, աշակերտելով Եսայի Նչեցուն և Սարգիս վարդապետին: Երիտասարդ հասակից ընտրվել է «արհեսպիսկոպոս տանն Սյսական»⁵³ և «պետ երկոտասան գաւառաց Սինեաց»⁵⁴:

Ստեփանոս-Տարսայիճի շինարարական գործունեության մեջ առանձին տեղ է զբաղեցնում հայ միջնադարյան ճարտարապետության ինքնատիպ նստըններից մեկը՝ Եղեգիս իշխանանիստ գյուղաքաղաքի «Զորաց տաճարը», որի ընդարձակ հրապարակում տեղի էին ունենում զորահանդեսներ և հայոց զորքի երգմնակալության արարողությունները «Զորաց տաճարն» իր հորինվածքային առանձնահատկություններով հիշեցնում է Բղենո նոտավանքը:

«Զորաց տաճարի» արևելյան պատի յուսիսային խորշին առ այսօր պահպանվել է 1322-ով թվագրվող հետևյալ արձանագրությունը.

«ԵՍ ՏՐ ՄՏԵՓԱՆՈՍ, ՈՐԴԻ ԶԱԼԱԼԻՆ, ԹՈՌՆ ՄԵՇԻ ՏՍՐՍԱՅԻՃԻՆ, ՀԻՄՆԱՐԿԵ(Ա)Լ ՇԻՆԵՅԻ ԵԿԵՂԵՅԻՍ ՅԱՆՈՒՆ ՍՐԲՈՅ ԱՍՏՈՒԱԾԱԾՆԱՅ...»⁵⁵:

Ուղիղ 10 տարի հետո՝ 1332 թ. Լիպարիտ իշխանի որդի Զեսար Օրբելյանի հովանավորությամբ կառուցվեց Սելիմի (Սուլեմա) նշանավոր կարավանատունը, ուր դադար էին առնում Գեղարքունիք և Վայոց ձոր ճանապարհահատվածն անցնող երթևեկները: Ուշագրավն այն է, որ այս քաղաքացիական կառույցը հիմնադրվել և ավարտին է հասցվել Գլաձորի համալսարանի րարունապետ Եսայի Նչեցու օրհնությամբ և «աղաթիւք», ինչպես վկայում են կառույցի հայերեն և արաբատառ պարսկերեն արձանագրությունները⁵⁶:

Քննարկվող ժամանակաշրջանում հանդես եկան հայ ճարտարապետության Սյունիքի դպրոցի այնպիսի նշանավոր դեմքեր, ինչպիսիք են Սիրանեսը, Մոմիկը, Գրիգորիկը, Շնորհավոր Աղբարը, Բուտը, Սմբատ Պատանին և այլ շինարար վարպետներ⁵⁷, որոնց անունների ցանկը շարունակաբար համարվում է նորանոր հայտնագործումներով:

Պատմությունը նորից և նորից ուսուցանում է, որ Հայոց աշխարհը ծաղկում և վերելք է ապրել միմիայն այն ժամանակ, երբ սուկա են եղել հոգևոր և աշխարհիկ տերերի միասնությունն ու համագործակցությունը և ամենակարևորը՝ ժողովրդին ծառայելու աներև կամքն ու անհիվ ցանկությունը⁵⁸:

Սյունիքում շինարարական գործընթացներն ընդհատվեցին XV—XVI դարերում քաղաքական ծանր պայմանների պատճառով (լենկթեմուրյան ավերածությունները, Կարա-կոյունլու և Ակ-կոյունլու թուրքմենական ցեղախումբերի արյունահեղ բախումները Հայաստանի տարածքում և այլն). վերելք նկատվեց XVII դարում:

Եղրափակելով նշենք, որ Սյունիքի իշխաններն ու հողերականները քաջ գիտակցում էին, որ «...ամենայն փառք եւ մեծութիւն սպառելոց են եւ վա-

⁵³ Նույն տեղում, պրակ 2, էջ 101:

⁵⁴ ԺԴ դարի հայերեն ձեռագրերի շիշատակարանները, կազմեց Լ. Ս. Խաչիկյան. Երևան, 1950, էջ 231:

⁵⁵ Դիվան հայ վիմագրության, պրակ 3, էջ 108:

⁵⁶ Նույն տեղում, էջ 177—178:

⁵⁷ Ս. Բարխուդարյան. Միջնադարյան հայ ճարտարապետներ և քարգործ վարպետներ. Երևան, 1963, էջ 60, 62—74, 78—86, 89—92, 101—103 և այլն:

⁵⁸ Կր. Մ. Գրիգորյան. Սյունիքը Օրբելյանների օրոք. Երևան, 1981, Տե՛ս նաև՝ Դիվան հայ վիմագրության, պրակ 3, էջ 177:

դիւ կորնչելոց»⁵⁹, ուստի ընկալելով «զունայնութիւն վայրկենի կենաց»⁶⁰ գտնուած էին, որ երկիրը կարելի է շենացնել միմիայն այն դեպքում, «եւրբանքն սպառին եւ գործքն թագաւորեն»⁶¹: Որքան արդիական են չնչում խորիմաստ այս բառերը:

СТРОИТЕЛЬНАЯ ДЕЯТЕЛЬНОСТЬ ЕПИСКОПОВ СЮНИКА (IX—XIV вв.)

Доктор истор. наук ГРИГОР ГРИГОРЯН

Р е з ю м е

Письменные источники, в частности, лапидарные надписи Сюникского нагорья свидетельствуют, что экономический рост и культурный подъем страны были обусловлены, в первую очередь, наличием государственной власти, мудростью патриотически настроенных духовных предводителей и светских феодалов Армении. Сюникский епископат и местные князья в память о себе оставили поколениям великолепные храмы и другие гражданские строения, о которых сохранились достоверные сведения в трудах средневековых авторов-очевидцев

⁵⁹ Գրիգորյան Նայ վիմագրութիւն, պրակ 4, Երևան, 1973, էջ 121—122:

⁶⁰ Գրիգորյան Նայ վիմագրութիւն, պրակ 3, էջ 215—216:

⁶¹ Նույն տեղում, էջ 216: